

Na osnovu člana 205. Zakona o osnovama bezbjednosti saobraćaja na putevima u Bosni i Hercegovini („Službeni glasnik BiH“, broj 6/06, 75/06, 44/07, 84/09) ministar komunikacija i transporta Bosne i Hercegovine donosi

NAREDBU

O HOMOLOGACIJI PROIZVODNJE OBNOVLJENIH PNEUMATIKA ZA PRIVREDNA VOZILA I NJIHOVE PRIKOLICE

I PODRUČJE PRIMJENE

Član 1.

Proizvodnja obnovljenih pneumatika za privredna vozila i njihove prikolice mora biti homologovana u skladu sa ovom naredbom.

Odredbe ove naredbe se odnose na proizvodnju obnovljenih pneumatika i obnovljene pneumatike namjenjene za ugradnju u privredna vozila i njihove prikolice. Međutim, odredbe ove naredbe se ne primjenjuju na:

- obnovljene pneumatike za putničke automobile i njihove prikolice;
- obnovljene pneumatike brzinske oznake manje od 80 km/h;
- pneumatike za bicikle i motorcikle;
- pneumatike originalno proizvedene bez brzinske oznake i/ili oznake opterećenja;
- pneumatike originalno proizvedene bez homologacije tipa i bez „E” ili „e” oznake;

II ZAHTJEVI

Član 2.

Jednoobrazni uslovi za proizvodnju obnovljenih pneumatika i obnovljene pneumatike iz člana 1. ove naredbe koji podliježu ispitivanju, metode ispitivanja, način vršenja kontrole saobraznosti serijske proizvodnje sa homologovanim tipom, postupak i način uzimanja uzoraka serijske proizvodnje, sadržaj izvještaja o ispitivanju radi izdavanja saopštenja o homologaciji, izgled homologacijske oznake i obrazac saopštenja o homologaciji dati su u Jednoobraznim propisima koji se odnose na homologaciju proizvodnje obnovljenih pneumatika za privredna vozila i njihove prikolice (Pravilnik broj 109 Ekonomske komisije za Evropu Organizacije ujedinjenih nacija, u daljem tekstu: ECE pravilnik br. 109), sa važećim izmjenama i dopunama koje je prihvatila i primjenjuje Bosna i Hercegovina, donesenim na osnovu Sporazuma o usvajanju jednoobraznih tehničkih propisa za vozila sa točkovima, opremu i dijelove koji mogu biti ugrađeni i/ili korišćeni na vozilima sa točkovima i uslovima za uzajamno priznavanje dodijeljenih homologacija na osnovu ovih propisa („Službeni glasnik Bosne i Hercegovine”, broj /2010).

ECE pravilnik br. 109 u izvornom obliku (na engleskom jeziku) dostupan je u Ministarstvu komunikacija i transporta Bosne i Hercegovine, odnosno kod organizacije određene za obavljanje administrativnih poslova u oblasti homologacije.

III HOMOLOGACIJA I ISPITIVANJE

Član 3.

Homologacija proizvodnje obnovljenih pneumatika iz člana 1. ove naredbe vrši se u skladu sa ECE pravilnikom br. 109.

Homologacijska ispitivanja obnovljenih pneumatika iz člana 1. ove naredbe može provoditi samo laboratorija ovlašćena od strane Ministarstva komunikacija i transporta Bosne i Hercegovine.

IV PROVJERA USKLAĐENOSTI

Član 4.

Provjera usklađenosti vozila sa zahtjevima ove naredbe provodi se prema postupku koji je propisan Pravilnikom o homologaciji vozila, dijelova, uređaja i opreme vozila („Službeni glasnik BiH”, broj 41/08).

Pri provjeri usklađenosti vozila prihvataće se homologacije dodijeljene u skladu sa serijom (serijama) izmjena i dopuna ECE pravilnika br. 109 prema Odluci o najnižim tehničkim zahtjevima za novoprodukcija i korišćena vozila pri homologaciji tipa vozila i homologaciji pojedinačnog vozila, koju će donijeti ministar komunikacija i transporta Bosne i Hercegovine.

V PRIMJENA

Član 5.

Ova naredba stupa na snagu osmog dana od dana objavljivanja u „Službenom glasniku BiH”.

Ministar

.....
mr sc. Rudo Vidović